



Aqqalu C. Jerimiassen  
Inatsisartut Allattoqarfiat  
inatsisartut@inatsisartut.gl

**Niaqornaarsummut usinik assartuineq pillugu § 37 naapertorlugu  
apeqquteqaammut 2022-041-mut akissut**

23-02-2022  
Suliaq nr.: 2022 - 3602  
Id. nr. 73287168

Asasara Aqqalu C. Jerimiassen

Inatsisartut suleriaasianni § 37 naapertorlugu Niaqornaarsummut usinik assartuineq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1: Naalakkersuisut ukiuunerani Kangaatsiamut pajuttuisarnermut  
Niaqornaarsuk aamma ilanngunneqartalersinnaanerani pilersaaruteqarpat?**

- a. Taamaangippat suut aporfiuppat?
- b. Periarfissaappallu qanoq naleqassava?

Akissut:

Suleqatigisat, najukkanilu soqutigisaqaqatigiit qanimut suleqatiginerisigut, usinik assartuinermit nunami pisariaqartitsineq Naalakkersuisut ataavartumik nalilersortarpat.

Tassunga tunngatillugu Kalaallit Nunaanni umiarsualivinnik pisortatigoortumik nalunaarsuiffiusoq, Kalaallit Nunaanni Umiarsualivinni Ilisimasortat aallaavigineqartarput. Niaqornaarsummut tunngavillugu Kalaallit Nunaanni Umiarsualivinni Ilisimasortat ima allassimapput, "Ukiuunerani imaq sikuutillugu, kitaatalu imartaa sikuutillugu nunap iluatigut angallavik, nunaqarfiullu angallavigineqartarnera decembarip qeqqaniit, maajip/juunip tungaanut matoqqasarpoq."

Saaffiginnissutivit kingunerisaanik, pisortatigoortumik allassimasut suli eqqortuunersut Naalakkersuisut paasiniarpat. Ukiuni kingullerni silaannaap allanngoriartornerata kingunerisaanik qangatut sikuusarunnaarsimasoq, taamaalillunilu pisortatigoortumik allassimasut nutarterneqartariaqartut paasinarsivoq. Niaqornaarsuk pillugu Kalaallit Nunaanni Umiarsualivinni Ilisimasortat allassimasuutaata nutarterneqarnissaa qulakkeerniarlugu, Naalakkersuisut Geodatastyrelsen oqaloqatigissavaat.

Tamatuma saniatigut ukiuunerani Niaqornaarsummut usinik assartuisarnissamik pisariaqartitat, pisariaqartitsinerullu naammassineqarnissaanut periarfissat suunersut paasiumallugit, Naalakkersuisut ilaatigut Royal Arctic Line, KNI, Royal Greenland, najukkanilu ingerlatsisut allat attavigissavaat.

Taamaakkaluartoq oqaatigineqartariaqarpoq, ukiuunerani tamanna imaatigut angallavigissallugu sulii unammillernarmat. Taamaattumik ukiuunerani tikittoqartarnissaa qulakkiissallugu ajornakusuussalluni.

Ukiuunerani Niaqornaarsuk tikinneqartassappat, tamanna qanoq akeqassanersoq Naalackersuisut ilisimangilaat. Aningaasartuutissat taakkua, ilaatigut Royal Arctic Linep oqaloqatigineqartarnissaanni, oqaloqatigiinnermi nalinginnaaginnartumik ilaatinneqartassapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Mariane Paviasen